

Inissianik aningaasalersuinermi taarsigassarsianillu aqutsinermi aningaasaqarnermut tunngasunik sullissisoq

Ineqarnermut, Attaveqaasersuutitut, Isorliunerusunut Upalungaarsimanermullu
Naalakkersuisoqarfik Inissianik Illuutinillu Suliassaqaarfimmi aningaasaqarnermut
tunngasunik sullissisussamik pissarsiorpoq

Suliassaqaarfimmi innuttaasunut annertuumik isumaqartumi,
Inissianik aningaasalersuineq, taarsigassarsianik aqutsineq aamma aningaasaqarneq
pillugit suliassat suliarerusuppigit?

Ineqarnermut, Attaveqaasersuutitut, Isorliunerusunut Upalungaarsimanermullu
Naalakkersuisoqarfik Inissianik Illuutinillu Suliassaqaarfimmi sulisussamik
ataqatigiissaarisinnaasumik akisussaaffimminillu ilisimaarinnittumik pissarsiorpoq.
Atorfimmi pingaartumik pisortat inissianut aningaasalersuinermi taarsigassarsiarititaannik
aqutsineq, aningaasaqarnermi naatsorsuinerit, piffissamik sioqqutsilluni akiliinerit,
nalimmassaanerit taarsigassarsianillu sulianik aalajangersimasunik malinnaaneq
suliarineqassapput.

Inissianik Illuutinillu Suliassaqaarfimmi inissiat illuutillu pillugit suliat isumagineqarput,
taakkunungalugu inissianut aningaasalersuisarneq, illuutit aalaakkaasut, pigisanik
nalilinnik pisiniarneq tunisinerlu, inatsisit, innuttaasut saaffiginnissutaat aamma
politikkimut - allaffissornermut tunngasuni sullissinerit ilaatinneqarput.

Atorfik pillugu

Aningaasaqarnermut tunngasuni sullissutut pisortat inissianut aningaasalersuinermit
taarsigassarsiarititaasa aqunneqarnerini qitiusumi inissisimassaait. Suliassat
aalajangersimasut, aningaasaqarneq pillugu paasissutissat, taarsigassarsianik
naatsorsuinerit, nalimmassaanerit, akilikkat, piffissaq sioqqullugu akiliinerit aamma
innuttaasut saaffiginnissutaat suliarisassavatit.

Atorfimmi aningaasaqarnermik paasisimaarinninneq, tullerriiaarisinnaaneq,
eqquisinnaaneq aammalu kisitsisinik, uppernarsaatiniq, maleruagassanik sulianilu
aalajangersimasuni suliat ingerlaneriniq suliaqarnissamut piginnaasaqarneq
pisariaqartinneqarput. Innuttaasunut, aningaaserivinnut, aningaasalersuisarfinnut,
eqqartuussissuserisunut, kommuninut, illunik niueruteqartartunut oqartussaasunullu
allanut attaveqartassaait.

Sulinermi eqqortumik nalunaarsuinissap, taarsigassarsinermi paasissutissanik
naatsorsuinissap nalimmassaanissallu, tassungalugu IRIS-imut
aningaaserivimmullu nalimmassaanissap qulakkeertarnissaa annertuumik
sammineqartassapput. Aamma taarsigassarsinermi suliat pisoqaanerusut ingerlasullu
malinnaaffiginerinut, kiisalu suliassaqaarfimmi suleriaatsit assigiiaarnerulersillugit
ineriartortinneqarnerinut suleqataassaatit.

Suliassatit

Suliassatit ilaatigut tassaassapput:

- pisortat inissianut aningaasalersuisarnermut taarsigassarsiarititai pillugit suliani
sullissinerit aqutsinerillu
- inissianik aningaasalersuinerit, taarsigassarsianik aqutsinerit sioqqutillunilu akiliisarnerit
pillugit saaffiginnissutinik suliaqarneq
- innuttaasunut, aningaaserivinnut, aningaasalersuisarfinnut, eqqartuussissuserisunut,
kommuninut oqartussaasunullu allanut ilitsersuinerit
- aalajangiinernik, allakkanik akissuteqaatinik, allakkanik ilitsersuutiniq, allakkianik
sulianillu saqqummiussinernik suliaqarneq

- akiitsut sinnerinik, akilersuutinik, akiliutinik, ernianik aningaasaqarnermullu piumasaqaatinik naatsorsuisarneq malitseqartitsinerlu
- taarsigassarsinermit suliat pillugit naatsorsuuserisarneq, akiliisarneq aningaasaqarnermullu nalunaarsuisarneq
- IRIS-imut aningaaserivimmullu nalimmassaanerit, taakkununga nikingassutaasut pillugit malitseqartitsineq ilanngullugu
- Uppernarsaatinik journaliseeriisarneq, nalunaarsuisarneq, toqqorsivimmut toqqorsisarneq pitsaassutsinillu qulakkeerisarneq
- BSU aqutigalugu illulianik tunisinermi sullissisarneq aningaasaqarnikkullu malitseqartitsineq, tassunga ilanngullugu illunik tuniniaasartunik suleqateqarneq
- suliffeqarfiup iluani suleriaatsinut, allakkianut nalinginnaasunut, ilitersuutinut, digitaliseeriinernut assigiaartumillu suleriaaseqarnernut ikiuuttarneq
- pisariaqartitsineq malillugu pigisanik nalilinnik pisinermut tunisinermullu atatillugu paarlattaasarneq

Ilinnut tunngasut

Takorloorparput aningaasaqarnermut, aningaasalersuinerimut, aqutsinerimut assigisaanulluunniit ilinniagaqarnikkut attuumassutilimmik tunuliaqutaqassasutit. Assersuutigalugu aningaasaqarnermik isumalluutinillu aqutsinerimut ilinniagartuujusinnaavutit, inuussutissarsiornermut aningaasaqarnermut bachelor-iusinnaavutit, aningaasalersuisarnermut ilinniagaqarsinnaavutit allatulluunniit attuumassutilimmik, tamatuma saniatigut sulinermik misilittagaqarfigisannik ilinniagaqarsinnaallutit.

Aamma aningaaseriveqarnermi aningaasalersuisarnermilu misilittagaqaruit, pingaartumillu taarsigassarsiat, akiliinerit, akiitsut sinneri, akilersuinerit, taarsigassarsianik naatsorsuisarnerit, nalimmassaanerit, sullitanik oqaloqateqarnerit uppernarsaasiortarnerillu suliarisimagukkit atorfik ilinnut tulluussinnaavoq.

Pingaartipparput:

- aningaasaqarnermik paasisimaarinnittuunissat, aammalu kisitsisit, naatsorsukkat uppernarsaatillu nalornissutiginagit sulisinnaa
- taarsigassarsianik aqutsineq, akiliisarnerit aningaasaqarnerlu pillugit sullissinerit misilittagaqarfigissagitit soqutigisarissagitilluunniit
- ilusilersukkamik, namminersorlutit akisussaaffinnillu ilisimaarinnillutit sulisinnaanissat
- allakkatigut oqaasiliullaqqinnissat, aammalu innuttaasunut suleqatigisatsinullu ersarissumik ilitersuisinnaanissat
- aningaasaqarneq inuillu pillugit paasissutissanik isertuussisinnaanissat eqqortumillu suleriuseqarnissat
- Excel atorlugu sulisinnaanissat, ajornanngippallu IRIS, XAL, cBrain F2 sullississulluunniit assingusoq atorlugit sulinermik misilittagaqarnissat
- innuttaasunut, aningaaserivinnut, aningaasalersuisarfinnut, eqqartuussissuserisunut, kommuninut oqartussaasunullu allanut ilitersuisinnaanissat
- inissiaqarfinnut tunngasunik pisortallu inissianut aningaasalersuisarnermut aaqqissuussinerinik soqutigisaqarnissat

Pisortat aqutsinerinik, journaliseeriisarnermik, ingerlatsinermilu inatsisitigut tunngaviusunik ilisimasaqarneq iluaqutaassaaq, piumasaqaataanngilarli.

Aamma kalaallisut danskisullu oqaatsit atorlugit attaveqarsinnaaguut iluaqutaassaaq.

Neqeroorutigaaavut

Ineqarnermik suliassaqarfimmi atorfik namminersorfiusoq, inuiaqatigiinnullu attuumassutilinnik suliaqarfiusoq neqeroorutigaarput. Inissianik Illuutinillu suliassaqarfimmi suleqataalissaatit, tassanilu inissianut politikkimut, inissianik aningaasalersuisarnermut, pigisanik aalaakkaasunut, inatsisinut aammalu innuttaasunik, oqartussaasunik politikikkullu siuttunik kiffartuussinernut tunngasunik suliaqassaatit.

Sulianik aalajangersimasunik, aningaasaqarnermi naatsorsuinernik, innuttaasunut ilitersuinernik, nalimmassaanermik, taarsigassarsianik aqutsinermik aammalu suliassaqarfimmi, innuttaasunut annertuumik pingaaruteqartumi suleriaatsit assigiiaarnerusunngorlugit ineriartortinneqarnerini suleqataanissamut periarfissaqassaait.

Sulineq avatangiisini, assigiinngiiaartunik suliaqarfiusuni, aalajangiinissamut naatsunik aqquteqarfiusuni, aammalu allaffimmi suleqatinut qanittumik suleqateqarfiusuni ingerlanneqarpoq.

Ulloq atorfiniffissaq

1. september 2026 imaluunniit isumaqatigiissuteqarneq malillugu.

Soqutiginnippit?

Apequtissaqaruit allaffimmi pisortaq Steve Sandgreen attaveqarfigisinnaavat stsa@nanoq.gl aqqutigalugu.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatut siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.
E-mail-ikkut qinnuteqaatinik tigusineq ajorpugut.